

譚友夏合集目錄 卷之十七

嶽歸堂已刻詩選

五言古

玉華洞

飛昇石禮魏元君

大酉洞

出嶽路

玉田洞

別伯孔子長沙

從敬夫先生泛舟登塔至別

憶今年春夏黃美中與予兄弟讀書河上

將發答敬夫貽犀杯詩

近聞其客浣川

將至嶽同伯孔舟望

已未歲呈無易先生

由絡絲潭至觀音巖

江夏晤陳元朋

兜率菴閣上聽泉對天柱峯

龍潭尋嶽端明所書擊空明石（同黃美

中童平寓玉五嶽孟誕先官癡之緩之

金卜公諸君子

衡巖同異寄報蔡敬夫朱無易二公

送妻父劉悅翁自淮上還里

鷄鳴寺贈徐牟父

送王學憲永啓還閩因懷錢塘葛師

伯敬霽古木寒泉寄董崇相廷尉令予題

之

七月初一夜宿天界寺觀老僧登座施食

饑度亡遼將士春亦附薦先魂稽首悲

感爲之篇

九日同王永啓自龍井尋新菴及十八澗

西築贈昇公

裏湖午眠適鄒孔肩韓求仲王季和駿印

持鄒孟陽聞子將小舟尋至

與李長蘅舟寓。

其二

入靈隱寺看紅葉同孟陽

子將山居幽甚是宋人方圓菴遺址與李

長蘅殿無勅同過

月會詩爲殿間鄒李諸兄弟作

別葛師祀瞻

復留吳興與俞彥直同遊

汎茗水至夾山漾迴舟(同求仲令則)

自夾山漾汎至草蕩漾(同求仲彥直令

則延平諸子)

梁溪遇伯敬越遊予別去西歸

訪鄒彥吉先生山莊談讌兩日夜作

唐仲言爲其友蔡隱生索詩仲言盲而好

書亦異事也因并贈二子

贈李校書同潘景升作

贈方孟旋兵部

竹谷中答袁未央

楊修齡侍御寄德山先和尚塔銘見示唐

大顛碑也且云父子剝剔想像乃還舊

觀予奇其事因憶文弱丁巳同伯敬德

山碑事甚奇追用其韻

弟遠韻帆閣成

夢徐九

送夏乾乾守備虔州

天啓元年復出應試呈莆田周學使者

其二

妹僭魏純吾友魏太易子也贈她二首

其二

天啓壬戌歲感時寄敬夫先生

與孟誕先住寒溪寺中見武昌舊令陳鏡

清留詩六首中有三鹿魚課之篇讀之

感人風雅之遺也題句紀異約知我者

賞之

劉濟甫持顏魯公涪溪碑見贈是其先人

景垣文學遺物展觀之暇率有所感

武昌郡贈胡太初司理

柳菴成贈真公

其二

黃以實自蘭溪來汲陸鴻漸第三泉見遺

且有贈詩清真洞密喜而和之

譚友夏合集 卷十七 目錄

成都園解後付郝令謝彥甫歸致朱菊水

先生書益蜀未課時寄也答懷一章用

寫歎聲

陳正甫先年舟訪園居紀贈

譚友夏合集 卷之十七

嶽歸堂已刻詩選

竟陵 譚元春友夏著

五言古

將至嶽同伯孔舟望

緩纜過衆妙。灣轉約青蔥。回思數日舟。如行晴月中。安卑審羣情。秀色皆童蒙。五峯不氣勢。端然爲五峯。澹澹後雲存。肅肅分天空。大哉古今色。安敢置蒼紅。我去爭飛鳥。一枝事無窮。

由絡絲潭至觀音巖

晴爽投竅異。古潭開音旨。其聲石開合。朗朗光遙起。泉源潤巨靈。交竦左右耳。峯峯欲至天。倏忽在地底。及乎臨半山。高者似已矣。山半雲亦半。翠微連趾趾。雲忽遶我後。固知高難恃。從僧指白烟。幽菴或在裏。不聞振錫聲。黃花落澗水。

兜率菴閣上聽泉對天柱峯

陰徑下晴祿。峯近菴亦尊。春筍青在中。古泉流到根。天柱洗晦沈。閒雲孤出門。與我聽泉心。相合如一魂。

飛昇石禮魏元君

黃冠樵採去。盤石能自守。獨松覆仙色。聲下溪流久。慧人悟莓苔。不在語言有。當有天飛時。流盼光川阜。去來自悠悠。月明一至否。

出嶽路

靈雨記起止。在山皆晴望。意豈不忘歸。歸心聞江漲。何以迎送予。青松同微尙。愛澗步遲遲。人以爲惆悵。我則實不然。方寸嶽萬狀。

別伯孔子長沙

夏永滿江甸。予亦難久留。離人不可爲。細雨先上舟。念子心不近。志氣勵松楸。不爲嶽所厭。再來當有籌。諱言送長沙。曰同林麓遊。各自登舟去。青翠光悠悠。

憶今年春夏黃美中與子兄弟讀書河上近聞其客滄川

昔栽齋後竹。春風吹筍長。林成值籬朽。因以爲隄防。家衰存誦讀。兄弟各匡牀。黃子愛其靜。請住我東房。其人冷月性。酷貧如添霜。盛夏得桃李。手捧意蒼涼。頗待世人厚。閉戶爲文章。萬歷戊午秋。奇士駭崇岡。是時黃子恐。風啄四海瘡。雨雪不就飲。懷異走四方。

已未歲呈無易先生

我生未入諫。先盡缺之變。夫子蜀中人。幽奇能不幻。其才不浪出。閉戶深鍛鍊。處長如處短。因知胸中寬。

偶泄爲文章。怒石波濺。磊落恥蟲魚。此語古或漫。多識草木名。然後三百粲。鄙生水經注。山川之行卷。公爲遊者地。淨遠拈致卷。小囊出輒攜。最于鄙人便。詩短句長句。紙一片兩片。光怪雖自匿。春也皆得見。爲守至憲司。部人色寒戰。納一布衣人。容愚如客賤。記在鄆子時。與鶴苔上踐。東齋銀花生。西齋月影戀。退在逆旅中。筆常不離硯。有詩必見和。公更出獨撰。有文必見藥。對之常發歎。果子乙卯秋。失落青桐爨。公時不得報。露立衣常換。及乎戊午歲。公俱臨貢院。草鞋束健毫。低頭不敢盼。指示二三公。此生何時旦。春也又不遭。一城狂瞞瞞。傳知公是日。咨嗟上秋宴。何意墮昏蠹。此特其微屨。斯文真吾病。微躬人憂患。幸而寄託別。再拜辭寒淨。公知我無僞。猶勸留一綫。此事雖不成。千古消見覩。乃有張子元。是公快女情。能當衆毀時。肯出謀一面。與公第二郎。年少卽爲彥。相見亦斯時。數年前纏繞。名門無俗事。開口多可羨。縱使衙齋閉。高趣春光徧。因思中才理。賢輩非迂誕。父兄行古道。自令精神貫。憲司禮體尊。入見背沾汗。何況下茅宇。脫粟亦無憚。辱來寒河時。干旄渡將半。公遽呵止之。莫使禽魚亂。蕭蕭一草堂。門落補仍綻。鄉人窺平易。月明時始散。至今寒河水。不風亦波瀾。

江夏晤陳元朋

論交已未夏。君曰非此時。十年之前後。繚彼悠悠思。鄂鄉雖我鄉。江路亦孔遲。聞車雖我車。君又涉湘涓。一泊宛相就。如使舟車知。雨月正能代。洲草芳前期。

龍潭尋蘇端明所書擊空明石（同黃美中董平寓王五嶽孟誕先官擬之綬之金卜公諸君子）
一河風日守。夏水來寂寂。回環舟不怠。相就有磊歷。石上三字寒。不爲苔所食。江漲有來去。波撤幸未漬。

如茲空與明。何物爲之擊。擊之以幽獨。雷霆于焉息。未免千年枯。掬水親澗滌。同趣非一人。爭來致涓滴。剗剔數小字。欲向坡求益。細認始覺非。三歎惜心力。

衡蓼同異寄報蔡敬夫朱無易二公

五峯木石身。沃之以方廣。不踏蓼山泉。空作衡山想。太霽捐山情。將無失儻恍。猶念祝融前。衆雲寒俯仰。中外奔一壘。百祥無他往。古詭任其天。所以荆榛長。

送妻父劉悅翁自淮上還里

曾未出闌闌。出忽千餘里。泊情我自門。敝裝夏雲起。齧翁太苦心。誘之遊淮水。碧檻與疏籬。了了多纖指。翁遠鄂而問。周視曰奇詭。則知課女訓。內言不出矣。感翁工勸誨。無妬以當美。孀姑旣無間。姬勝有所倚。請翁迴纒。竄往視吾子。吾子弟所生。奚必綴腹裏。天性于茲明。江帆挂莫止。

鷄鳴寺贈徐牟父

斜巷向鍾山。草色連午陰。君若不在茲。茫茫將焉尋。奇情老乃見。年少老可飲。常恨逝湍中。無數少壯心。終不至大海。此流安用深。愛而與之語。金玉保爾音。

送王學憲永啓還閩因懷錢塘葛師

君昔爲魯師。我爲楚諸生。遙遙不相蒙。運會忽以并。我師躬自厚。汲汲求精誠。與君入魯心。神鬼鑿權衡。師登玄武嶺。君上仲尼塋。跪拜百靈起。松楸照生平。時文本小道。何以感俊英。翊管一日罷。志氣萬古爭。君歸

閩山去。殊無田可耕。亦無宅可入。以此勝尊榮。長于留不住。母在鄉難輕。我尙欲遊越。一別骨當驚。

伯敬畫古木寒泉寄董崇相廷尉令予題之

鍾子不言畫。偶然生數筆。自取木石疎。非以愧人密。躊躇未肯竟。竟卽寄友日。能于添染中。常寫其人出。會畫一古木。衝紙紙爲紉。旁忽露半舟。寄子惟恐失。又畫兩古木。橫有冰霜質。久之拂其塵。添壁與瀑一。聞人往海上。寄懸董公室。

七月初一夜宿天界寺觀老僧登座施食懺度亡遼將士春亦附薦先魂稽首悲感爲之篇

柏林燈火新。早涼人鬼急。行僧七十餘。鬼王相服習。端然成阿難。得使諸魂集。漠漠萬人塲。親見熊羆入。兵氣不可訴。楊枝徒灑濕。國辱且未伸。何爲先幽蟄。我知忠勇心。仍望玉關泣。餘鬼多碌碌。趨飽如不及。情知我祖父。意氣輕殘粒。招之不在茲。不孝空竚立。

九日同王永啓自龍井尋新菴及十八澗

兩日湖中居。意想行冥渺。久客分山趣。守此如碌碌。蟲聲如晚秋。馬蹄知空谷。人語匿其身。豈不驚水木。溪流淙淙然。花雨奔晴旭。老僧開青山。遂與猿鳥熟。靈泉不多取。客到瓶往觸。湖靜與澗動。有似先相屬。心清不覺殊。高底是耳目。

西築贈界公

蒼蒼長耳院。空林蒼無極。山僧愛前峯。經餘必登陟。過一石矯然。菴此爲顛力。梅竹非由舊。雨露隨手植。我來梅竹長。泉聲在石側。羨爾自爲山。不借他山色。

裏湖午眠適鄭孔肩韓求仲王季和嚴印持鄒孟陽聞子將小舟尋至

湖中復有湖。微茫寄空朗。白蘇十二橋。高不至于妨。時容野航入。神爲孤山養。盡割段橋南。付之歌吹響。素鷗常內飛。蒼烟不外長。我日宿其間。以絕賓朋想。清魂少夢寐。寂寂生兩漿。秋水微有聲。謝君閒來往。

與李長蘅舟寓詩二首

今日泛一舟。明日添一舫。晨昏主清波。不欲但爲容。悠悠我友來。雲光通消息。冬氣寬舫人。霜殿止一夕。十年欲見心。索之已無迹。如此祛惑物。早眠便可惜。燈火兩舟明。僮僕一髮瘳。仰看天寥寥。衆星學月白。

其二

湖上止一月。訝我言歸速。我竊自計之。出沒十得六。屋居失湖情。僦舟以爲屋。山氣起我懶。星影止我宿。盤餐就我招。篙櫂閒我足。寒水初知波。兩人共幽獨。寓者一日事。遊人一句福。因君見道深。舟久亦登陸。

入靈隱寺看紅葉同孟陽

南屏紅已秀。相玩近孤艇。遠羨雲居紅。毋乃薄城井。孤山幾株幽。先霜歷波影。遊子無足心。更上靈鷲嶺。能使虛空界。一紅高低逞。眼耳與精魂。如夢行炯炯。俯見青松光。然後發深省。

子將山居幽甚。是宋人方圓菴遺址。與李長蘅嚴無勅同過。

沓沓一溪水。隨我上空林。可見人境外。青山本易深。倚士縱遼步。息之以清音。籬邊菊踈放。爲開納青森。蘭丁不掃葉。永然懷冬心。一坐仰松竹。泉浮山乃沈。往來古今色。前山石陰陰。

月會詩爲嚴聞鄒李諸兄弟作

杭州有素友。來往三四姓。入受子弟拜。天成母妻性。清齋止蔬豉。物踈意則敬。大歡不至笑。言取卑幼聽。是日粥飯長。卽有天竺柄。故人李居士。湖山以爲命。客中與茲集。四往常一應。招攜入靈鷲。欲使風物并。各愛百年身。恥爲禮俗盡。惓惓庶可廣。歸向弟友訓。

別葛師峴瞻

去城苦非遠。湖邊獨爲村。歌笑所不及。黃葉積其門。叩闥無人聞。謁闥無人聞。良久通水齋。始得展子論。師弟有夙緣。目視心吐吞。置身古人處。不知私所恩。冤親埋世界。返觀冥天根。雷峯雲日蒼。紅葉石火翻。從師學大道。一別安足言。

復留吳興與俞彥直同遊

我欲乘月發。子忽乘月到。相遇自成留。主人向客笑。尋溪不知返。身心舒一嘯。野菴達城闔。酒茗生幽妙。坐疑霜天月。日在斯城照。

汎茗水至夾山漾迴舟（同求仲令行）

靄雲從此逝。落日萬流卷。安波未生紋。欲因孤月顯。蘆港通桑村。隨棹天空淺。身在一溪行。旁見數溪轉。

寬狹澹左右。山情不徒衍。餘霞蕩千峯。若使澄波眩。老僧仰天水。憇我山阿眼。釣舟爨晚火。倚月知霜善。與君莫再深。溪幻精魂緬。

自來山漾汎至草蕩漾（同求仲彥直令則延平諸子）

既愛溪無限。又愛溪如隔。往來由此熟。冥然順心迹。乃知汎他水。不成家與宅。襟動若浮空。爐轉若向夕。一光浸聲氣。元化流幽蹟。日月散高霞。全力僅爲碧。杳杳城中外。蘆花溪鳥白。

梁溪遇伯敬越遊予別去西歸

我歸趨歲暮。羨子全家攜。毘陵與白門。僮僕來亦齊。若有一微衷。相向顏色低。世道輕朋友。人前安可懷。驅馳風霜中。陽烏飛提提。我上錫山道。子尋茗間溪。各自有衣帶。勿爲冰所淩。坦坦一世內。何有濁水泥。贈子以早晤。明年春江四。

訪鄒彥吉先生山莊談讌兩日夜作

昔爲童子時。雜聽父老言。水鏡照江湖。日落成淵源。至今三十載。明德莫能諼。今日登公堂。其健如飛翻。長衫裹光儀。執手無不論。蹇心行高簡。亦似納之門。如茲勤接引。乃羨壽者尊。四日攸好德。以酬康寧恩。樂場刈稻子。十月在郊原。中堂理靜思。不聞穰穰喧。靜思相與理。微歌窮且昏。光響凝爲一。願盼深吐吞。賞音節游樂。華素探其元。哲人述作心。何事獨匪存。慨然受滿酌。古意歌舞敦。是夜寒可戀。疎雨滴霜根。

唐仲言爲其友籍隱生索詩仲言盲而好書亦異事也因并贈二子

所賴神明用。今古遞滯蓋。造化厭人淺。有時停耳目。失聰手代口。失明身到腹。往往見小慧。奇奧多不屬。唐子揣日形。已是籥與燭。耳根獨洞然。靜豈如空谷。別煩頌讚人。一耳十行熟。誦者或欲怠。聽者嗟不足。點畫移未親。字字相推觸。筆墨付有兒。舟車動有僕。來住愧人疎。風義反覺篤。自言有一友。籍隱無危辱。幽心及猛虎。清言散梵牧。匡牀與君共。利聞勤誦讀。相期各有獲。何用羨眼肉。

贈李校書同潘景升作

十萬戶中人。數年眼底事。始見李氏妹。一天落秋翠。乍聞出房櫺。衣香來無次。緩步初有向。未行而忽至。頭非暫與朱。性非滯與媚。秋水不停流。注看手中字。將空散秋雲。形與影相制。清宵慎所投。生才天不易。是夜燈始涼。孤衾安取寐。

贈方孟旋兵部

昔嘗友君友。近復友君徒。老梅不枝葉。一株暎數株。隱身絲竹中。多年住西湖。日上孤山塚。以此見區區。我從湖上來。逢君官南都。躡躑戎馬世。點兵朝夕拘。奇畫未及施。瑣寄忠愚。官軍如跛鱉。發君長嘆吁。暇心念秦淮。與我共須臾。常覺眼中人。一一皆黃虞。冠裳是何物。得與篋笠殊。

竹谷中答袁未央

幽谷綠娟娟。芳草竹中纏。寂坐成蕭疎。能使聰明淺。徐步受音影。俱至荒亭返。久對君兄弟。自然尊酒晚。華華隱高言。一歎凌已遣。空林人散後。新月竹香遠。

楊修齡侍御寄德山先和尚塔銘見示唐大願碑也且云父子剝剔想像乃還舊觀予奇其事因憶文弱丁巳同伯敬德山碑事甚奇追用其韻

松筠心影內。古塔抱虛寂。螭纏李唐碑。茫茫夕陽歷。龍潭大師號。已被苔蘚食。因緣合天資。精神射蒼壁。父念子眼光。出奇相奪覓。或用力吹雲。或用手畫荻。須臾成誦讀。高首覆浙瀝。寫寄八千字。難矣初搜剔。割剗古今色。氣與全山敵。坐獲異文觀。晴明落薜蘿。香風電空語。何人節不擊。香入其風。電入其空。碑中語。深山舊法侶。再來建幽續。神僧向晦昧。且止莫盡滌。

弟遠韻帆閣成

割園爲汝居。竹木三之一。情高緩妻孥。且使閣先室。相勢分水土。檐開一尺出。常有萬里船。帆影從此失。轟隆齊木杪。蒼翠中唧唧。日月送香光。高處念其疾。平生淺丘墟。低高有蒼卒。朱闌耀青冥。非復貧士質。事在奢儉外。止之嗟無術。豈惟不相止。愧我營蓬葦。

夢徐九

君死已三月。咽斷如漸忘。昨夜夢見君。煎迫我中腸。無氣無耳目。深墨凶衣裳。明明夢醒間。人鬼相陰陽。亦不聞所語。尋魂來悲涼。冥路絳草草。君真栖何方。誰奪君聲氣。使我夢荒荒。衾枕受涕淚。多于前撫牀。安能空不寐。瑣瑣以自詳。總角爲兄弟。中表禮俗傷。愛君都雅質。從少交至蒼。一村一城閩。綺朴宜相妨。一年數過我。杯盤不相當。君能儉恕人。獨以奢自將。水火一夫力。道里熱鑪湯。主友就客濕。言笑浩茫茫。沙潭王夫子。直

諒輔以行。親交二十年。不省何低昂。今春適小園。夜靜步履良。是日東風多。桃花飛過墻。燈火醒殘紅。君之一
嘆長。舟酒送杜子。明日下午黃。迴簾日已西。坐我愛弟堂。踟躕不肯去。昇夫怨于旁。我生如翟羽。身有雜文章。
韜精安泥滓。弓矢猶駭張。機先赴寥廓。罕見學鳳凰。白雲固難射。挽弓者力彊。君能于是時。愛我如自傷。刮我
如是奮。蓋我如自藏。托生本貴盛。止知仕官臧。我嘗笑語君。富貴夕螢光。光不怯雷雨。天曉則無朗。歌舞雖可
作。日日嬉不祥。草書雖可存。人人慕不揚。賓客雖可集。筵筵設不香。我年三十五。事理識微茫。前歲登太和。去
秋客錢塘。極知好山水。可以送年芳。母弟蟠一村。屈抑在此鄉。嗟君志遠遊。終年說襄糧。糧非君所乏。猶豫從
中戕。

送夏乾守備虔州

前年道士磯。送我上越舫。數月我歸來。君已萬夫長。當其問弓槩。臨風淚恍恍。詩書不忍焚。避衆猶自賞。
勸君勿自賞。矛端送深廣。嗚哉無愧心。恬然荷受往。

天啓年元復出應試呈莆田周學使者一首

夙生師友債。人間榮寵好。兩念未盡忘。根淨器猶躁。久聞令人肥。山澤濯者誥。十日學馨折。九日猶不肯。
前果厭巾衫。今又厭樵釣。無恆則有之。亦曰任運妙。夫子校南國。展矣淵鏡照。選士如看山。佳處領其要。吾家
二仲氏。坐收良工效。竹箭將盡日。仍來搜空峭。念此何因緣。思拔出泥淖。想在多生中。曾一識面貌。弟也充騎
驎。灌灌歸相告。靜女夜半寒。天曉媒妁到。欲許憚衾稠。不許嗟猶少。

其二

豈不愛長隄。豈不戀林籬。末俗賤孤往。此舉衆共錯。平生飄忽性。相諒在寥廓。棄置兩年中。世態填寂寞。道逢冠蓋人。志沮聞嘖嘖。歸掩草堂扉。氣微驚剝啄。出款高明士。神辱忍譏謔。始信古人事。今人不愛作。還視吾筆墨。猶在案頭躍。昆弟制科文。已許令我學。異哉錢塘師。風采瘦卓犖。貝錦不自嗟。傷心念落拓。六橋是何處。行藏烟棹覺。勞苦有定命。欲避趣反惡。知已有奇因。強邀神理薄。如此忽去來。飄然終不著。寫此浩蕩思。留以答猿鶴。

妹婿魏純吾友魏太易子也贈勉二首

字妹越百里。傷我慈氏懷。言念吾友子。湖山鑿所諧。亦嗟吾友逝。亦慰子也才。逝者能造物。相報必以佳。到門拜兩雁。嘉慶煎成哀。入羣幼弟如。房籬欣新開。雖有耀首資。支梧卽荆釵。父兄結友時。詩書爲良媒。

其一

小妹方邑邑。次者方衢衢。女生自有命。隨風生泥珠。母也依少女。恪恭理衾禡。自然有離別。諸子意崎嶇。常見鄉人女。嫁鄒亦嗟吁。爲女母所有。爲婦女則無。此淚亦易止。僭好輕長途。

天啓壬戌歲感時寄敬夫先生

依我健步趾。節我良飲食。逢人多委曲。閉門存我直。舉世植蒿穉。怪不生黍稷。良田已所蕪。相怨于螟蟻。日月兼射虎。變化將相力。僮僮而腐公。天地不相恤。腹春安可保。此豈關盜賊。近者西蜀信。亦蒙小隴迫。草草

行矯矯。公然乘凶德。今日粗盪平。數月頗孔棘。楚人憂輔車。中各有所憶。我雖無敢言。傷心則逾益。（憶朱公無易也。公成都人。）因思公數人。能勵官吏職。敬身抱一辭。或以退反側。太平良晤多。有日同語嘿。學成老農圃。以待征徭息。

與孟誕先住寒溪寺中見武昌舊令陳鏡清留詩六首中有三鹿魚課之篇讀之感人風雅之遺也題句紀異約知我者賞之

山雨出山流。過草淙淙然。遙立山寺聽。知爲菩薩泉。文殊光不沒。溪禽白如烟。蔬素以相對。遂忘終日焉。舉首看殿門。有板廳中懸。其上六古詩。字字如大篇。故人誦至半。山僧錄其全。卓異乎爲令。自處于昔賢。取世不顯餘。立身惟清堅。魚鹿我萬物。仁心周天淵。以告後令尹。况我民顛連。安能枉詩書。日求身所專。安能負性質。去趨世所先。草草得古人。落日千萬年。山僧愛我喜。雨夜同未眠。

劉濟甫持顏魯公浯溪碎見贈是其先人景垣文學遺物展觀之暇率有所感

顏公書法卓。方圓皆欲除。平生嬉怒情。向此無不抒。碑版盈山川。暇矣德業餘。能令天與地。如人華冠裾。次山頌中興。公也拜手書。欣然執末技。甘遜爲不如。推讓事君父。何事肯自居。以此鍊心腕。墨妙有本初。損爾上世傳。報之以易諸。

武昌郡贈胡太初司理

胡公李鄂城。淵懿不可及。能令江水深。能令楚山立。江山飛鳥聞。百務相吐翕。生殺和天倪。除日對囚泣。

皇皇豈弟人。自無纒縷習。我逐征帆來。雲烟花嘆息。時衰事事難。天漏荷一笠。自顧如江魚。來吸海光濕。

柳菴成贈真公二首

真公乃吾師。依我十餘年。軒亭凡幾易。不嗔鐘鼓遷。經聲如野水。禮拜骨鏗然。古佛坐其上。如與相挽牽。我遊師常住。晝夜循溪邊。僕妾進蔬粒。知以鉢爲先。視師所坐處。竹末自茶烟。饑飽不可問。莫若白竈專。伐柳爲師室。芟竹爲師椽。取予一園內。息此幽居肩。惜哉老僕逝。薪水莫之戩。師勿更置人。納我十年前。

其二

路自橋外得。門任園中通。何處師經行。草木與虛空。前留藪步地。牧笛吹其中。月處金橘光。香時梅花風。覽物懷救度。一意無窮。馨歎我叩門。不言神溶溶。

黃以實自蘭溪來汲陸鴻漸第三泉見遺且有贈詩清真洞密喜而和之

陸子茶神聖。出入于澗湫。水鏡自遙照。碧寒幽明愁。我拜惠山足。挽綆窺所由。瓶甌雨天下。舟車裁其流。又嘗過練湖。頗懷玉乳羞。苔滯久無光。嗟哉暴棄儔。感此蘭溪石。泉性中甌甕。長河不敢入。維獲亦孔周。恥與茶逢迎。高人或偶收。附君扁舟來。可謂得良仇。對之殊數日。烹煎未忍投。相見竟陵人。慎勿念故丘。

成都圍解後什邡今謝彥甫歸致朱菊水先生書蓋蜀未謀時寄也答懷一章用寫歎聲

成都門已啓。謝尹迴楚車。瘦黑喜燈光。致君亂前書。尹歸裝散盡。是書獨袖諸。字字未沾血。猶存嵐烟餘。揖尹問君家。云攜人崎嶇。探幽性所投。未免爲亂驅。小醜喧西蜀。乘我遙陽處。誕敢窺堅城。無濟亦饑虛。婦人

抱膝走。城下骸擢。登城望遠樹。如果挂頭鬚。邑里化一燼。火與土不鏹。聽尹雜愁說。益思避者殊。篆莊竹檜陰。在否知何如。賊退理林亭。悲喜上殘株。高人逢亂離。詩句不可拘。忝住靜遠鄉。得使菱芡舒。構屋君俸多。寒暑慚寧居。各自私安危。寄君以嗟吁。

陳正甫先生訪舟園居紀贈

霜月迥扁舟。寂寂纜柴關。待晨過茅宇。禮數如葦班。青蔬適滿器。賤子適獨閒。林塘立古今。取益消懦頑。卑棲多流水。以公爲高山。磬聲自園出。僧老一揖艱。羨公天機深。踏葉蒼蒼還。

嶽歸堂卷之十七終

暉友夏合集 卷十七